

# NALUNAARUTIT - Grønlandsk Lovsamling

## Serie C-II

---

02 DEC. 2019

ISUMAQATIGIISSTUT

Naalakkersuisut aamma Sulinerlik Inuussutissarsiuteqartut Kattuffiata akornanni **Peqqinnissamut ikiortit** pillugit isumaqatigiissut.

---

### IMAASA NALUNAARSORSIMAFFIAT

Qupp.

§ 1 Isumaqatigiissummi pineqartut. ....	3
§ 2 Suliffiup sivisussusia. ....	3
§ 3 Peqqinnissamut ikiortit akissarsiaat. ....	4
§ 4 Soraarnerussutisiassanut akiliutissat taakkulu akilerneqartarneri. ....	5
§ 5 Ukiut suliffiit malillugit akissarsiat qaffakkiartortarneri. 5	
§ 6 Qaangiuttoornerit aamma qaangiuttoornermut taarsiullugu sulinngiffeqarnerit. ....	6
§ 7 Pigaartuuneq. ....	7
§ 8 Persaqquusersorneqarnermut akiliutit. ....	9
§ 9 Immikkut ittumik akiliutit tunniunneqarneri. ....	11
§ 10 Sulartoqquneqaratarsinnaanermut tapisiat. ....	11
§ 10 A Aqutsinermut tapeq. ....	11
§ 11 Oqaluttaasarnermut tapisiat. ....	12
§ 12 Napparsimasunik ingialluineq. ....	12
§ 13 Atorfimmuit imiikut ittumut tapit. ....	13
§ 14 Sungiusaanermut tapeq. ....	14
§ 15 Suliamut aalajagersimasumut tapeq. ....	14
§ 16 Immikkoortuni inunnut ataasiakkaanut tapinut immikkoortitat. ....	14
§ 16 A Pikkorissutsimut tapisiat. ....	14
§ 17 Nerisaqarneq ineqarnerlu. ....	16
§ 18 Sulinermut atatillugu angalanerni saniatigut aningaasartuutaasartut, tassunga ilanngullugit ullormusiat,	

unnuinermusiat (akunnittarfimmiinnermut atugasssat)	
atortussarsiutillu .....	16
§ 19 Ineqarneq .....	16
§ 20 Atorfininnermut atatillugu akiliunneqarluni angalaneq. ....	17
§ 21 Sulinngiffegarneq sulinngiffegarnersiutillu. ....	18
§ 22 Napparsimaneq. ....	19
§ 23 Naartuneq, ernineq qitornavissiartaarnerlu. ....	21
§ 24 Meeqqap napparsimanerani ullormi siullermi sulinngiffegarsinnaatitaaneq. ....	21
§ 25 Meeqqap napparsimanerani sulinngiffegarnerit allat. ....	22
§ 26 Sulinngiffegarnerit immikkut ittut allat. ....	22
§ 27 Sulinngiffegartarnerit. ....	23
§ 28 Qinikkatut pisortanillu toqqakkatut suliassaqartitaanerit.	23
§ 29 Sullisit. ....	24
§ 30 Toqukkut qimagaanersiutit. ....	25
§ 31 Soraarniuteqarneq/Soraarsitsineq. ....	25
§ 32 Isumaqtigiainnngissutit kinaassusersiortumillu soraarsitsinerit. ....	26
§ 33 Peqqinnissamut ikiortit nal.akunnermusiallit. ....	27
§ 34 Akissarsiat katiterneri. ....	29
§ 35 Piffissaq isumaqtigiaissutip atuuuffia. ....	30

**§ 1**

**Isumaqtigiissummi pineqartut.**

Isumaqtigiissummi uani pineqarput STI-mi peqqinnissamut ikiortit Peqqinnissamut Qitiusumik Ilinniarfimmi atuagarsornermi atuarsimasut aammalu Peqqissaanermi Ilinniarfimmi Peqqinnissamut Ikiorttitut ilinniarsimasut Kalaallit Nunaanni Namminersorlutik Oqartussani kommunenilu atorfinitssinneqartut.

Imm. 2. Tjenestemandit imaluunniit naalagaaffimmit, Namminersorluitik Oqartussanit kommunenilu soraarninngorsimasut aammalu sulifefeqarfinni immikkut pisussaaffiligaasuni ittut isumaqtigiissummi uani ilaatinneqanngillat.

**§ 2**

**Suliffiup sivisussusia.**

Sap.akunnerannut suliffissaq agguaqtigiissillugu nal. akunnerinik 40-nik sivisussuseqarpoq, taamaattorli unnukkorsiornermi/unnuarsiornermi nal. akunneri 37-ullutik, tak. § 7 imm. 5. Piffissap suliffiup sap. akunnerini ullunut ataasiakkaanut agguaannera sulisitsisumit aalajangerneqartassaaq suliffimmi pissutsit mia-neralugit.

Imm. 2. Ullormut nal. akunneri 7 sinnerlugit imaluunniit ullormut sulinissamik immikkut isumaqtigiissutigisap, sivisunerpaamilli nal.akunneri 9 sinnernagit sivisussuseqartussap avataatigut sulineq qaangiuttoornertut isagineqassaaq. Suliffissat allattorsimaffiat nalunaarutigineqartassaaq, taamaasilluni sulisup (paarlaassisussat eqqarsaatiginagit) sukkulluunniit qanoq ilisukkut sulinissamik aamma sap.akunnerinik 4-nik sioqqullugu sulinnginnissaat inissisimane-rinik ilisimatinneqartuartassallutik.

Imm. 3. Ullormit piffissap suliffiusussap iluani sulinngitsoornerit akissarsianit ilanngaatigineqartassapput sulinngitsoornermi akis-----

sarsiassaraluit amerlaqataannik. Nal. akunnera sulinngitsoorfik na-lilernerneqartassaaq atorfillip nal. akunnermusiarisartagaatut annertutigisumik, nal. akunneranut tapit pisartakkat ilanngullugit. Nal. akunnerata affaa tikillugu sulinngitsoorneq nal. akunnerata affaatut naatsorsorneqartassaaq.

Imm. 4. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taamaat-torli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiusussaq eqqortinneqanngitsutut isagineqarsinnaanngilaq.

Imm. 5. Sulisorli siniffissaqartinneqarpal nal. 22.00-ip nal. 08.00-llu akornanni piffissaq angalaffik piffissatut suliffittut naatsor-suunneqassanngilaq.

Imm. 6. Taamaattoq ingiallortaalluni angalanermi akissarsiaqarnermut aammalu suliffiup sivisussusianut immikkut ittumik aalajangersakkat atuutsinneqarput, tak. § 12.

### § 3

#### **Peqqinnissamut ikiortit akissarsiaat.**

Peqqinnissamut ikiortit imaattunik qaammamusiaqartinneqassapput:

Skala	trin	ukiat suliff.	01.04.18	01.04.19	01.04.20	01.04.21
18	1	1.-2.	18.756,68	19.137,24	19.517,80	19.898,37
19	2	3.-4.	18.882,57	19.263,13	19.643,70	20.024,26
20	3	5.-6.	19.059,43	19.439,99	19.820,55	20.201,12
21	4	7.-8.	19.242,01	19.622,57	20.003,13	20.383,70
22	5	9. amerlanerillu	19.441,67	19.822,23	20.202,80	20.583,36

**§ 4**

**Soraarnerussutisiassanut akiliutissat  
taakkulu akilerneqartarneri.**

Isumaqtigiissut malillugu sulisup 18-nik ukioqalereersimasumut soraarnerussutisiaqalernissaanut isumaqtigiissummi matumani akissarsiat paragraffini tunngaviusumik akissarsiat taaneqartut 11,50%-ii sulisitsisup akilertassavai. Akiliutigineqartup agguataarlugu sulisumut pingajorarterutaa pigitinneqarpoq sulitsisumullu pingajoraarterutaa marluk pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aaqqissuussinermi malittarisassaani aalajangersakkat naapertorlugit.

Imm. 2. Sulisoq atorfegarnini tunngavigalu soraarnerussutisiassanut akiliutit imm. 1-im i taaneqartut avataasigut sulinini pissutigalugu sulisitsisuminit soraarnerussutisiaqartinnejarnaniluunniit ikuutisi-qartinneqassanngilaq.

**§ 5**

**Ukiut suliffiit malillugit  
akissarsiat qaffakkiartortarneri.**

Ukiut suliffiit malillugit akissarsiat qaffakkiartortarneri aalajangersarneqartassapput piffissaq pineqartup ilinniarsimanini tunngavigalugu suliffia aallaavigalugu.

Imm. 2. Ukiut suliffiit malillugit akissarsiat qaffakkiartortarnerisa naatsorsorneqarneranni siusinnerpaatut aallaaviusassaaq qaammatip ilinniakkamik naammassinniffiup naanera.

Imm. 3. Ukiut suliffiit malillugit akissarsiat qaffakkiartortarneri nalinginnaasumik naatsorsorneqartassapput qaammatip atorfiniffiup aallaqqaataanit tamatigullu qaammatinut ilivitsunut nalimmassarneqar-

tassapput ullut 15 taakuluunniit ataallugit sulisimancerit naatsor-suutigineqassanatik.

Imm. 4. Sap. akunnerannut agguaqatigiissillugu nal. akunneri 15-nit sinnerlugit suliffiuppata tamakkiisumik akissarsiat qaffakkiartortarnerinik pissarsisoqassaaq. Sap. akunnerannut agguaqati-giissillugu nal. akunneri 15-init ikinnerit suliffiuppata akissarsiat qaffakkiaartortarnerannik piffissamut suliffimmut naapertuuttunik pissarsisoqassaaq.

Imm. 5. Sulisut Kalaallit Nunaanni pisortat suliffeqarfutaannit toq-qaannartumik Kalaallit Nunaanni pisortat suliffeqarfutaannut allamut nuuttut aningaasarsiaqartitsinermi ukiut suliffiit malillugit akissarsiat qaffakkiaartortarnissaattut katersarerriikkatik attatiinnassaavaat.

## § 6

### **Qaangiuttoornerit aamma qaangiuttoornermut taarsiullugu sulinngiffeqarnerit.**

Qaangiuttoorneq sapinngisamik pinngitsoorniarneqartassaaq. Peqquneqarluni nakkutigineqartumillu atorfefqarfimmi piffissap nalin-ginnaasumik suliffiup § 2 imm. 1 aamma 2-mi aalajangersakkat avataatigut qaangiuttoornermut qaangiuttoornersiaqartitsisoqassaaq taakkulu naatsorsorneqassapput § 3-mi qaammammut akissarsiat tapi-usinnaasut ilanngullugit agguarnerattut 50%-imik tapeqartillugit.

Imm. 2. Qaangiuttoornerit sulisup sulisitsisullu isumaqatigiinnerisigut sulinngiffeqaataasinnaapput. Qaangiuttoornersiassaagaluanut taarsiullugu sulinngiffeqarnermi qaangiuttoornermi akissarsiassat 50%-imik ilallugit qaangiuttoornersiassaagaluanut naapertuuttunik sulinngiffeqaataassapput. Sulinngiffeqarnerup qaqugu pinissaa sulisup

sulisitsusullu akornanni suliffik mianeralugu sulisullu kissaatigisai naapertorlugit aaqqissuunneqassaaq.

Imm. 3. Sulisoq qaangiuttooqquneqassappat tamanna ullormi pineqartumi ullup suliffiup naanissaa nal. akunnerinik 5-inik sioqqullugu ili-masaarutigineqareersimassaaq.

Imm. 4. Ilisimatitsineqanngippat qaangiuttoornerlu nal. akunneri 2-t sinnerlugit sivisussuseqarpat nal. akunnerisa qaangiuttoorfiit sania-tigut qaangiuttoornersiffissat nal. akunneranik 1-mik ilaneqassapput.

Imm. 5. Ullormut suliffissap nalinginnaasup avataatigut qaangiuttoor-nerit sivikinnerpaamik nal. akunneri 4-aappata taakku suliffioreersut saniatigut qaangiuttoornersiamik nal. akunnerata 1-ip nalinganik ila-neqassapput.

Imm. 6. Suliffiup nalinginnaasup avataatigut sulisoq suliartoq-quneqarpat minnerpaamik nal. akunneri 4 tunniunneqassapput.

## S 7

### **Pigaartuuneq.**

Nalinginnaasumik piffissap suliffiup avataani atorfilik pigaartooq-quneqarsinnaavoq imatut:

- I.      Angerlarsimaffimmit pigaartuuneq aggersarneqarnikkut piaerner-paamik suliartornissamik pisussaaffilimmik.
- II.     Suliffeqarfimmittussaalluni pigaartuuneq.

Imm. 2. Imm. 1-imí taaneqartutuut pigaartuuasarnerit ulloq unnuarlu naallugit peqqussutaasinnaapput, ullormut tamakkiisumik suliffiusus-saanngitsuni (annermik sapaatini nalliuuttunilu).

Imm. 3. Suliassaqarfiallaanngitsumik pigaartuunermi nal. akunneranut akissarsiat imaapput:

Pigaartuuneq I) nal. akunneranut 29,00 kr.
Pigaartuuneq II) nal. akunneranut 61,00 kr.

Imm. 4. Piffissamut, aggeqquneqarnermit naatsorsorlugu, pigaartuunerup nalaani suliffiorpiartumut, qaangiuttoornersiaqartitsineqassaaq imaluunniit sulinngiffeqartitsineqarluni, takuuk § 6, taamaattoq aggeqqusineq ataaseq tamatigut sivikinnerpaamik nal. akunneranik atatsimik sulinertut naatsorsuullugu. Qaangiuttoorneq imaluunniit sulinngiffeqartitsinissaq tunniunneqartassaaq nal. akunnerani atatsimi arlaleriarluni aggeqqusinermi nal. akunneranut ataasiinnarmut qaangiuttoornersiaqartitsineqartassaaq imaluunniit sulinngiffeqartitsineqartassalluni.

Imm. 5. Ullu unnuarlu pingaartuuneq imm. 2 malillugu ataani malineqassaaq:

- Nal. akunnerinut tamanut suliassaqarfiallaanngitsunut aamma pigaartuunerup nalaani nal. akunnerinut siullernut 8-sunut suliffiorpiartunut imm. 3 malillugu pigaartuunermut akissarsisitsoqassaaq. Nal. akunnerisa 8-t avataatigut piffissanut suliffiorpiartunut § 6-imi imm. 1 aamma 2 malillugit qaangiuttoornersisitsisoqassaaq sulinngiffeqartitsisoqarluniluunniit.
- Pigaartuunerup nalaani piffissaq suliffiorpiartoq imm. 4-mi allassimasutut naatsorsorneqartassaaq. Ulloq unnuarlu pingaartuuneq ulloq naallugu sulinertut ilaassaaq § 2 imm. 1-imi sapaatip akunnerinut piffissat suliffissat aalajangersarnerini.

Imm. 6. Sulisut pigaartuunngikkaluarlutik nalinginnaasumik piffissap suliffiup avataani suliartoqquneqartut akissarsiaqartinnejassapput imaluunniit sulinngiffeqartinnejassallutik qaangiuttoornersiaqartert, takuuk § 6 imm. 1 aamma 2, taamaattoq minnerpaamik nal. akunnerinut 3-nut.

- Nal. akunneri 3-t qaangerlugit sulinermut qaangiuttoornersiaqartitsineqassaaq imaluunniit sulinnginnersiaqartitsineqarluni nal. akunnerisa aallartinneri tamaasa tunngavigalugit aamma nal. akunnerisa 3-t ingerlanerini arlaleriarluni aggeqqusinerut

- qaangiuttoornersiaqartitsineqassaaq imaluunniit sulinnginnersiaqartitsineqarluni taamaallaat nal. akunnerinut 3-nut.
- Sulinnginnermi nal. akunneri 4-t inorlugit sivisussuseqartussamik aggeqquisisoqartillugu akissarsisitsisoqartassaaq qulaani al-lattorneqartut malillugit. Aggeqquisinermi nal. akunneri 4-simappata sinnersimallugilluunniit taava sulinnginneq peer-neqarallartutut naatsorsuunneqassaaq, takuuk § 8 imm. 3.

Imm. 7. Suliffegarfimmi pissutsit tunngavigalugit tamanna ajornartin-nagu, pinartoqanngitsumik pigaartuuneq aamma sulinnginnermik taarteqartinneqarsinnaavoq, taamaalilluni pigaartuuneq I-tut taaneqartoq tunngavigalugu nal. akunneri 3-t pigaartuunerit tamaasa aammalu pigaartuuneq II-tut taaneqartoq tunngavigalugu nal. akunnera 1 minutslu 20-t pigaartuunerit tamaasa, nal. akunneranik ataatsimik sulinngiffeqartitsisoqartassalluni.

Imm. 8. Sulisut imm. 1-im i aamma 2-mi pineqartutut pissusilimmik pigaartuuffiisa qaammammut nal. akunneri 140-t sinnersimappagit, taakku malittaanni nal. akunneri pigaarfinnut 70-inut immikkut ittumik akissarsisitsisoqartassaaq nalinginnaasumik pigaartuunermi akissarsiap 75 %-ianut naapertuuttumik aammalu taakku qaangerlugit pigaartutut sulinnginnermut immikkut ittumik akissarsisitsisoqartassalluni nalinginnaasumik pigaartuunermi akissarsiap 100 %-ianut naapertuuttumik. Ulloq un-nuarlu pigaartuuneq, takuuk imm. 2, naatsorsuinermi tamatumani nal. akunneri 16-tut naatsorsorneqartassapput.

## S 8

### **Persaqqusorsorneqarnermut akiliutit.**

Atorfilik nalliuuttuni sapaatit avataaniittuni sulinngiffeqartussaati-taavoq imaluunniit taartisisussaatitaavoq soorlu allatigut sulinngiffeqarnikkut.

Imm. 2. Ukiup ferierfissap naannginnerani sulinngiffeqarfissanik taarsiisoqanngippat imm. 3 naapertorlugu (sulinngiffik annaasaq)

aninggaasanngorlugu akissarsissutigineqassaaq. Nalliuuttuni sulinerit akilerneqarnerisa saniatigut sapaatini sulinertut akiliuteqartoqas-saaq.

Imm. 3. Atorfilik sapaatit akunnerannut ullormik ataatsimik sulinngiffeqartinneqassaaq ullorlu taanna pigaartuuffiussanngilaq. Ulloq sulinngiffik suliffissangortinneqarpat sulinngiffissamik allamik taaserneqassaaq ullormi suliffiusariaqartumi nal. akunneri suliffigineqartut 33 1/3%-inik ilallugit nal. akunneri ilivitsunngorlugit imaluunniit ullormi suliffissangortinneqartumi nal. akunneri suliffiusut qaangiuttoornersissutigineqassapput - taamaattorli minnerpaa-mik nal. ak. 6-ni sulinertut.

Imm. 4. Sulinngiffiusartut ilaannaasa sapaatikkut pisarneri pissutigalugit atorfillip sapaatip ulluani unnuaanilu nal. akunneri suliffisani tamaasa, nal. akunnerata affaanik sulinngiffeqarfissanik pissarsissutigissavai.

Imm. 5. Taamatut sulinngiffeqarfiusussamut taarsiullugu nal. akunneranut ajunngitsorsiassaqaqtitsisoqarsinnaavoq qaammammut tunngaviusumik akissarsiat ½ %-iannik. Piffissaq tamaat sulisut akissarsiaasa nikerarfiini inissisimaffik tunngavigalugu ½ %-iatut (aamma suliffiup ilaannaani sulisunut) tamatigut tapisiassaq naatsorsorneqartassaaq. Tapisiaq pineqartoq aamma sapaatip ulluani unnuaanilu qaangiuttoorne-rit tunngavigalugit tunniunneqassaaq. tak.imm.3.

Imm. 6. Arfininngorneri nal. 14.00-imuit nal. 24.00-mut sulinerni immikkut tapisiaq nal. akunneranut 23.42 kr.-it akissarsissutigineqassapput.

Imm. 7. Nal. 17.00-ip aamma 06.00-ip akornanni peqquneqarluni sulis-unut nal. akunneranut 16,30 kr.-nit saniatigut tapiliunneqassapput.

**§ 9**

**Immikkut ittumik akiliutit tunniunneqarneri.**

§-ini 6, 7 aamma 8-mi taaneqartunik pisoqartillugu tassa tapisiaqartitsisoqarsinnaatillugu sulinngitsitsineqarsinnaaneranilu, sulinngitsitsineqaraangat ilanngaassisooqartassaaq nal.akunnera ataaseq suliflik naatsorsuutigalugu ukiumut aningaasarsiat 1/2080-imik agguarnerattut. Aningaasanngorlugu tunniunneqarnerat nal.akunnerisalu sulinngiffiusimasinnaasut ilanngaatigineqarnerat pisassaaq aningaasarsiat allagartaani qaammatip taamatut ittumik suliffiup sulinngiffiusimasulluunniit tulliani.

**§ 10**

**Suliartoqquneqaratarsinnaanermut tapisiat.**

Peqqinnissamut ikiortit qaangiuttoornerinut il.il. nakkutigiuminaatusik ingerlanneqartunut §-ini 6, 7 aamma 8-mi tapisanut il. il. pineqartunut taarsiullugit suliartoqquneqaratarsinnaanermut tapeq tunniunneqarsinnaavoq qaammammut 1.250 kr.

Imm. 2. Tapisiap annertussusia imm. 1-mi qaffanneqarsinnaavoq il-luatungeriit isumaqatigiissuteqarnerisigut.

**§ 10 A**

**Aqutsinermut tapeq.**

Utoqqaat illuanni aamma/imaluunniit angerlarsimaffimmi ikiortinik aqutsisutut atorfegarnermi qaammammut 2.000 kr.-it tikillugit aqutsisutut tapisiaqartitsisoqassaaq.

## § 11

### **Oqaluttaasarnermut tapisiat.**

Peqqinnissamut ikiortit sulinerup ilarujussuani oqalutsitut atuut-tunut, Naalakkersuisut isumaqatigereerlugit oqalutsit tapisiaqartineqarsinnaapput qaammammut 500,- kr.-nik.

## § 12

### **Napparsimasunik ingialluineq.**

Napparsimasup Kalaallit Nunaannut, Kalaallit Nunaanni Kalaallit Nuna-anniillu angallanneqarnerani isumannaatsumik passunneqarnissaa pis-sutigalugu nakorsap pisariaqartippagu peqqinnissamut ikiortimik ingi-allorneqarnissaa maleruagassat makku malillugit aningaasarsisitsiso-qartassaaq:

Imm. 2. Piffissami ullup suliffiusussap suliffigisamit aallarfissatut naatsorssuutigineqartumiit napparsimasumik ingialluinerup naammassis-nissaata tungaanut piareersimanertut sats II-tut aningaasarsisitsiso-qassaaq.

Imm. 3. Piffissaq sulisup napparsimasumik akisussaaffeqarnera imm. 4 naapertorlugu nal.akunneri aallartinneri tamaasa suliffiorpiartutut naatsorsunneqassaaq.

Imm. 4. Ulloq unnuarlu pigaartuunermi malittarisassat uku atuupput: Pigaartuunerup nalaani nal. akunnerinut tamanut suliffiorpiann-gitsunut kiisalu nal.akunnerinut 8-nut suliffiorpiartunut siullernut § 8, imm. 3 naapertorlugu pigaartuunersiaqartitsisoqassaaq. Nal.akunneri 8 sinnerlugit suliffiorpiartunut § 7 imm. 1 aamma 2 naapertorlugu qaangiuttoornersisitsisoqarluniluunniit sulinngitsitsiso-qassaaq. Ulloq unnuarlu pigaartuuneq sap.akunneranut piffissami suliffiusussami § 2, imm. 1-imi aalajangersarneqartumi ullortut tamakkiisumik suliffittut naatsorsunneqassaaq.

Imm. 5. Imm. 3 naapertorlugu suliffiorpiartunut atatillugu sapaatini nalliuuttunilu sulinermut tapisiaqartitsisoqassaaq, arfininngornermi sulinermut tapisiaqartitsisoqassalluni, kiisalu unnukkorsiornermut unnuarsiornermullu tapisiaqartitsisoqassalluni piffissat pineqartut iluanni suliffiorpiarpa.

Imm. 6. Napparsimasunik ingialluilluni angalanerni Namminersorlutik Oqartussani kommunenilu tjenestemandinut aalajangersakkat atuuttut naapertorlugit ullormusiaqartitsisoqassaaq. Aningaasartuutit napparsimasup angalanermi nerisaqarneranut pisariaqartitat upper-narsaatillit tamakkiisumik taarsiissutigineqassapput.

Imm. 7. Peqqinnissamut ikiortimut nalinginaasumik napparsimavimmi sulinerminniit napparsimasunik ingialluinermut peqquneqartumut/ikaarsaariartumut piffissaq napparsimasunik ingialluilerfik piffissatut suliffissatut aalajangersarsimasutut aallartiffianit naatso-rsuutigineqalissaq, piffissaq pineqartoq ingialluilluni angalanissa-mit siusinneruppat.

Imm. 8. Ullut sulinngiffissatut pilersaarutigeriikkat ullormi aallarfimmi tikiffimmiluunniit pisut sulinngiffissatut annaasatut akiler-neqassapput, taamatuttaarlu ullut sulinngiffeqarfissatut pilersaarutigineqartut ingialluinerup nalaani sulinngiffiunngitsoortut sulinngiffissatut annaasatut akilerneqassapput.

Imm. 9. Napparsimasunik ingialluinermi atuutissapput Namminersorlutik Oqartussat ataatsimoorussamik angalanermi sillimmasiissutaat.

## § 13

### **Atorfimmut imiikut ittumut tapit.**

§ 3-mi akissarsiat taaneqartut nalinginaasumik piumasaqaatitarisaan-nut il.il. ilaangitsunik suliatigut, allaffissornikkut, pisin-

naasariaqartutigut allatigulluunniit imikkut inissisimasunik atorfinitstsistsisoqartillugu, akissarsianut tapit atugassarititaajunnartullu allat pillugit isumaqatigiissuteqartut akornanni immikkut isumaqatigiissuteqartoqarsinnaavoq.

## § 14

### **Sungiusaanermut tapeq.**

Sulisut peqqinnissamut ikiorttitut ilinniartunik sungiusartoqartillugu sungiusaasuunermut tapisiaqartinneqassapput qaammammut 500 kr.-inik. Tapeq sungiusaanerup nalaani taamaallaat pissarsiarineqarsinnaavoq.

## § 15

### **Suliamut aalajagersimasumut tapeq.**

Nunatsinni Peqqinnissaqarfiup ataani isumaqatigiissut manna atuuttoq najoqqutaralugu atorfegartumut tapeqaataasinnaavoq Qarasaasiatigut Napparsimasut Allattorsimaffianut immikkut ilisimasalittut atuisuutiluni qaammammut 1000,00 kr.-inik.

Imm. 2. Peqqinnissamut ikiortit tararsuisinnaanermut ilinniartinneqarsimasut/kursus-sersimasut, iluarsiissutitaqanngitsumik aam-malu soraarnerussutisiassateqaataasussaanngitsunik qaammaammut 350,00 kr.-inik tapisiaqartinneqarsinnaappat.

## § 16

### **Ataasiakkaanut tapinut immikkoortitat.**

Sulisut 1. april 2014-mi ataasiakkaanut tapisiallit nammineq tapisiaut suliunnaarnissap tungaanut tapisiariinnassavaat.

## § 16 A

### **Pikkorissutsimut tapisiat.**

Isumaqatigiissut manna tunngavigalugu atorfinitssinnejqarsimasunut pikkorissutsimut tapisiaqartitsisoqarsinnaavoq qaammammut kr. 500,00-

nik. Pikkorissutsimut tapisiat inummut ataatsimut arla-linngorlugit tunniunneqarsinnaapput.

Imm. 2. Tapisiat sulisunut suliatigut pikkorissutsikkullu imaluunniit allatigut immikkut inississimasunut tunniunneqartassapput, taamatut inissisimaneq isumaqatigiissummi matumani nalinginnaasumik tunngaviusuni akissarsiatigut taaneqartunut il. il. ilaatinneqanngippat.

Imm. 3. Kommunit ataasiakkaat, Namminersorlutik Oqartussat suliffeqarfiiisa immikkoortui ataasiakkaat, matumani suliffiit taak-kununnga atasut ilannngullugit, kiisalu Namminersorlutik Oqartussat aktiaateqarluni ingerlatseqatigiiffiutai tapisiassanik aalajangersimasunik amerlassusilinnik agguassassaminnik tunineqartassapput. Immikkoortortaqarfinnut ataasiakkaanut tapisiassat amerlassusissaat Aningaasaqarnermut Sulisoqarnermullu Aqutsisoqarfiup isumaqatigiinniarnermut immikkoortortaqarfiata nalunaarutigisassavai.

Imm. 4. Najukkami sulisitsisup najukkamilu tassani sulisut sinniisaata imaluunniit S.I.K.-p akornanni isumaqatigiinniareernikkut tapisiassat taaku kommunit suliffeqarfiiillu ataasiakkaat iluanni agguataarneqartassapput.

Imm. 5. Tapisiat atorfimmut allamut nuunnermi peerneqartassapput.

Imm. 6. Pikkorissutsimut tapisiat inuttaaruttut isumaqatigiinniutigeqqinneqareernermikkut atorneqaqqissinnaalertassapput, tak. imm. 4.

Imm. 7. Pikkorissutsimut tapisiat agguataarneqarnissaat isumaqatigiissutigineqarsinnaanngippat apeqqut isumaqatigiissuteqartutut illuatungeriinnit aalajangiiffigineqartassaaq.

§ 17

**Nerisaqarneq ineqarnerlu.**

Peqqinnissamut ikiortit suliffeqarfiup nerisaqartitsinerani peqataasartut tamatumunnga akiliuteqassapput niviarsiat nerisaqarnermut akiliutaannut qanoq ilisukkulluunniit atuuttunut naapertuuttumik.

Imm. 2. Inimi ataatsimi ineqarnermut, tassa imaappoq suliffeqarfimmi akiliutigineqartassapput qaammammut 500,00 kr.

§ 18

**Sulinermut atatillugu angalanerni saniatigut  
aninggaasartuutaasartut, tassunga ilanngullugit  
ullormusiat, unnuinermusiat (akunnittarfimmiennermut  
atugasssat) atortussarsiutillu.**

Atorfillit angerlarsimaffittut najugarisamik avataanut suliartoral-lartitaasut aninggaasanik pissarsiassaqartinneqassapput malittarisassat tjenestemandinut Namminersorlutik Oqartussani kommunenilu sulisunut atuuttut/isumaqatiisut naapertorlugu, taakkulu immikkut takussutissiami takuneqarsinnaapput.

§ 19

**Ineqarneq.**

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atuuttut naapertorluginit, imaluunniit
- b) inissaqartitsisoqanngitsoq, imaluunniit
- c) atorfimmut atatillugu pisussaaffeqartoq suliffimmut atatillugu inigisassaatitaasumik ineqarnissamut.

Imm. 2 Atorfinitssinneqartup inissiaq innersuunneqartoq najugariumangippagu, inissiamik allamik innersuussisoqarsinnaanngilaq.

Imm. 3. Imm. 1, a) naapertorlugu inissianut innersuunneqartunut ineqarnermut akiliuteqartoqartartoq Namminersorlutik Oqartussat kommunellu inissiaataanni ineqarnermut akiliuteqartarnermut malit-tarisassat qaqugumulluunniit atuuttut naapertorlugin. Inissiamik innersuunneqartumik sumiginnaasoqarpat anisitaanermik kinguneqartumik, inissiamik allamik innersuussisoqarsinnaanngilaq.

Imm. 4. Atorfillit imm. 1, c) naapertorlugu atorfimmut atatillugu inigisassaaitaaasumik ineqarnermut akiliuteqartassapput maleruagassat tjenestemandinut Namminersorlutik Oqartussani kommunenilu sulisunut qaqugukkulluunniit atuuttut/ismaaqatiisut naapertorlugu, taakkulu imikkut takussutissiami takuneqarsinnaapput.

## § 20

### **Atorfininnermut atatillugu akiliunneqarluni angalaneq.**

Atorfininnermi Danmarkimi Kalaallit Nunaanniluunniit angerlarsi-maffigisap suliffeqarfingisallu akornanni akiliunneqarluni angalatitsisoqassaaq inuttassarsiuussilluni allagarsiussaq naapertorlugu inissaqartitsisoqarpat imaluunniit atorfimmut atatillugu inigis-saatitaasumik najugaqarnissaq pisussaaffiuppat tak. § 19, imm. 1, a) aamma c).

Imm. 2. Akiliunneqarluni atorfininnermi angalanermut aamma ilaatinne-qarput atorfeqartup aapparisaa katissimanngikkaluarluguluunniit inooqatigisaa kiisalu meerai 18 inorlugit ukiullit. Taama ilaqtariit akiliunneqarlutik angalanerat sapinggisamik ataatsimoorluni ingerlan-niarneqartassaaq.

Imm. 3. Taama akiliunneqarluni atorfininnermi angalaneq inummut nam-minermuinnaq tunngatitaavoq allanullu tunniunneqarsinnaanani. A-kiiliunneqarluni angalasinnaatitaaneq atorneqanngitsoq taartisisstuti-gineqarsinnaanngilaq.

Imm. 4. Atorfinitinnermi akiliunneqarluni angalasinnaatitaanermi aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmarkimi namminermi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni tamanut angallassissutit atorlugit akikinnerpaamik angallanneqarnermut aningaasartuutit upernarsarneqarsinnaasut. Allatut angalasoqartillugu najugarisap Kastrupillu mittarfiata akornanni tamanut angallassissutit atorlugit angallanneqarnermut akikinnerpaamik aningaasartuutit matussuserneqartassapput.

Imm. 6. Københavnimiinnermi aningaasartuutaajunnartut atorfegartup nammineq akilissavai.

Imm. 7. Nunatsinni namminermi atorfinitinnermut atatillugu akiliunneqarluni angalanermi taamaallaat matussuserneqartassapput najugaqarfifup atorfefarfissallu akornanni tamanut angallassissutit atorlugit akikinnerpaamik angalarnermut aningaasartuutigisimasat upernarsarneqarsinnaasut.

Imm. 8. Atorfinitinnermi pigisat assartorneqassapput malittarisassat tjenestemandinut Namminersorlutik Oqartussani kommunenilu atorfilin-nut qaqugukkulluunniit atuuttut/isumaqatiisut naapertorlugu, taakkulu immikkut takussutissiami takuneqarsinnaapput.

## § 21

### **Sulinngiffeqarneq sulinngiffeqarnersiutillu.**

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinn-giffeqarsinnaatitaapput. Inatsisip § 2-at naapertorlugu aala-

jangersakkat ataani immikkut taaneqartut makku isumaqatigiissutigine-qarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffegarnersiuteqarluni sulinngiffegarneq akissarsiaqarluni sulinngiffegarnermut taarsiullugu toqqarpassuk ullut sulinngiffegarfiiit amerlassusii naapertorlugit aningaasarsiat ilangaaaffigineqassapput. Sulinngiffegarnersiutit ukiumut aningaasarsiari-simasanut naatsorsorneqartassapput.

Imm. 3. Soraarnermi aningaasarsiat 12½ %-ii sulinngiffegarnersiutis-satut tunniunneqassapput.

Imm. 4. Sulinngiffegarnermi aningaasanik pisassanik piumasaqarneq sulisitsisumut saqqummiunneqassaaq ukiup sulinngiffegarfissaasimasup qaangiutereernerani kingusinnerpaamilli qaamatit pingasut qaanngiutinnagit. Taamaanngippat aningaasat Sulinngiffegarnermut Aningaasaateqarfimmuit nakkassapput, tak. Sulinngiffegarnermut Aningaasaateqarfik pillugu isumaqatigiissummut tapiliussaq.

## § 22

### **Napparsimaneq.**

Sulisoq napparsimanini pissutigalugu sulisinnaanngippat, taassuma kinguneranik sulinnginneq inatsisinik unioqqutitsinani sulinn-ginnertut isigineqassaaq, sulisoq sulinermini piaaraluni mianersuaalliorujussuarluniluunniit napparsimalersimanngippat imaluunniit ator-fininnermi salloqittaalluni napparsimanini nipangiusimasimappagu.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut napparsimanermi aammalu piffissami sivikillisakkamik soraarsitsinermi qaamatini tul-leriiginnarni ullut 120-ini akissarsiaqartitsilluni periaatsit atuuupput.

Imm. 3. Sulisut imm. 2-mi pineqanngitsut qaammatini tulleriiginnarni aqqaneq marlunni katillugit ullut 120-ini napparsimanermini akissarsiaqarsimappat, qaammatip naaneranut imatut siumut ilisimatitsereerluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfegareernermi: qaammat ataaseq
- ukiuni 6 - 8 atorfegareernermi: qaammatit pingasut
- ukiuni 9 - sivisunerusumillu atorfegareernermi: qaammatit sisamat.

Soraarsitsinerup atuutitinneqarnissaanut piumasaqaataavoq ullut napparsimaffit 120-it taakku naanerannut atatillugu soraarsitsisoqasssoq aammalu inuk pineqartoq suli napparsimatilluugu, kisiannilii atuutitinneqarsinnaaneranut apeqqutaanngilaq inuk pineqartoq soraarsitsinissap nalunaarutigineqareernerata kingorna suliffiminut utersimappat.

Imm. 4. Kisiannnili imm. 2 aamma 3-mi aalajangersagaq malillugu atorfegarnermit soraarsitsisoqarsimappat, atorfinitositseqqittoqartariaqarpoq inuk pineqartoq sulileqqissinnaalerpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 5. Suliffimmiit napparsimaneq piqqutigalugu qimagussimaneq nakorsap uppernarsaaneratigut uppernarsarneqarnissaa piumasarineqarsinnaavoq.

Imm. 6. Nakorsat uppernarsaataat imm. 5 malillugu piumasarineqartut sulisitsisumit akilerneqassapput.

§ 23

**Naartuneq, ernineq qitornavissiartaarnerlu.**

Sulisoq sulinngiffeqarsinnaatitaavoq, naartunermi, ernereernerup kingorna qitornavissiartaarnermilu Inatsisartut inatsisaat qaqua-gumulluunnit atuuttoq naapertorlugu. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani pigiinnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akisarsi-aqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna Ataataq: sap.ak. 1-p kingorna	Tamarmik: sap.ak. sisamat avinneqartussat imm. anaanaasup kisimi.
---	--	---

§ 24

**Meeqqap napparsimanerani ullormi siullermi  
sulinngiffeqarsinnaatitaaneq.**

Atorfilik tamakkiisumik ilaannakuusumilluunniit akissarsiaminik annaasaqarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piumasagaataavoq:

- a) Ulloq tassaappat meeqqap napparsimaffia siulleq,
- b) meeqqap atugarisai patsisigalugit tamanna pisariaqarpal,
- c) atorfefarfimmi pissutsit patsisaallutik tamanna ajornangippat,
- d) meeraq angerlarsimappat.

Imm. 3. Ullut napparsimaffigisimasat nalunaarsorsimaffiat taper-neqassaaq ilisimatitsissummik meeqqap napparsimanerani ullormi siullermi peqannginnermik.

Imm. 4. Aaqqissuussineq atornerluinermi sulisunut ataasiakkaanut atortussajunnaarsinneqarsinnaavoq.

## § 25

### **Meeqqap napparsimanerani sulinngiffeqarnerit allat.**

Meeqqap 16 tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnisaqarfiup akiligaanik illoqarfinnut allanut ingialluinerani, meeqqallu uninnganerata nalaani ullut 12 tikillugit akissarsiani nalinginnaasut pigiinnarlugit sulinngiffeqarsinnaavoq.

Imm. 2. Meeqqap napparsimmavimmut uninnissaa angajoqqaallu uneqataanissaa ingiallortaanissaalu nakorsamit upernarsarneqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqarsinnaavoq meeqqap angerlasimaffimmini innangatinneqarnissaa nakorsamit innersuunneqarpat/upernarsarneqarpat.

Imm. 4. Immikkut illuinnartumik pissutissaqartillugu nakorsamillu upernarsarneqarpat sulinngiffeqarneq sivitsorneqarsinnaavoq ullut 5 tikillugit.

## § 26

### **Sulinngiffeqarnerit immikkut ittut allat.**

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfegarsimaguni akiliunneqarluni angalasinnaatitaavoq sulinngiffeqarsinnaatitaallunilu ilaquttat qanigisat napparsimaruloortillugit aamma/imaluunniit ilisaanerinut atatillugit akiliunneqarluni angalasarnerit sulinngiffeqartarnerillu pillugit malittarisassat qaqqumullunniit Kalaallit Nunaanni tjenestemandinut atuuttut naapertorlugit, taakkulu immikkut takussutissiami takuneqarsinnaapput.

Imm. 2. Sulinngiffegarnissamik aamma akiliunneqarluni angalanissamik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat taamaattutullu naatsorsuussat, qitornat qatanngutillu, kisianni aappap ilaqtai taamaattutullu naatsorsuussat pinnagit.

## § 27

### **Sulinngiffegartarnerit.**

Qaammatisiutit naapertorlugit ulluni nalliuuttuni atorfilik sulinngiffegarsinnaatitaavoq, ullutut nalliuuttutut uku naatsorsunneqassapput:

- a) ilagiit Lutherikkut nalliuuttui,
- b) juulliaraq,
- c) ukiutoqqaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut)
- f) Kalaallit inuiattut ullorsiorfiat 21. juni.

## § 28

### **Qinikkatut pisortanillu**

### **toqqakkatut suliassaqartitaanerit.**

Isumaqtigiissut una naapertorlugu atorfilit qinikkatut pisortanillu suliassaqartitaanerit pillugit Namminersornerullutik Oqartussat qinikkatut pisortanillu toqqakkatut suliaqarneq pillugu nalunaarutaat nr. 5, 15. marts 1994-meersoq naapertorlugu sulinissaminut sulinngiffegarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluami ilinniagaqarsimasunut aamma ilinniagaqarsimanngitsunut isumaqtigiissutit malillugit qaangiuttoornersiaqarfissaq sioqqullugu pisoq sumiginnaanertut isigineqas-

sanngilaq. Suliffimmiit qimagusimanissaq sapinggisamik sioqqutsilluarluni sulisitsisumut nalunaarutigineqassaaq.

Imm. 3. Pisortanit suliassaqartitaaffinni allani SIK-p immikkoortaqarfifiini siulersuisunut, SIK-p inuusuttaani siulatorsuisunut aammaalu SIK-p siulatorsuisuunerinut ilaasortat, pisortat oqartussaasoqarfifiinit piumaffigineqarneq tunngavigalugu ilaasortaaffigineqartut imm. 1-mi 2-milu malittarisassat tunngavigineqassapput.

Imm. 4. SIK-p siulatorsuisuuneri, SIK-p Inuusuttaisa siulatorsuisuunerini ilaasortat, ataatsimeersuarnerni, nakkutilliisoqarfefeqarnerani peqataanermut atatillugu SIK-p siulatorsuisuunerinut aamma SIK-p Inuusuttaaisa siulatorsuisuunerinut ilaasortat, aningaasarsiaqarlutik sulinngiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortaqarfifiini siulersuisut, SIK-p siulatorsuisuunerini aamma SIK-p Inuusuttaaisa siulatorsuisuunerini ilaasortat, akissarsiaqaratik sulinngiffeqarnissartik kissaatigippassuk tamanna akuerineqartariaqarpoq. Taamatut sulinngiffeqartoqarsinnaavoq ukiut ataasiakkaarlugit.

## § 29

### **Sullisit.**

Peqqinnissamut ikiortit aamma peqqissaanermi ikiorttitut ilinniartut sungiusarnermi nalaanni suliffeqarfimmiippata akeqanngitsumik sulliseqartitaassapput. Tamanna ataasiakkaatigut pisinnaanngikkaangat ukiumoortumik tamatumunnga taartisiaqartitsisoqartassaaq 2.136,00 kr.-inik imaluunniit akeqanngitsumik errorsissunneqartarpata ukiumut 1.008,00 kr.-inik.

§ 30

**Toqukkut qimagaanersiutit.**

Sulisoq atorfegarnermi nalaani toqusimappat aappaaanut tassungalu naligisitat imaluunniit qitoraanut 18 inorlugit ukiulinnut qimaga-asunut toqusup pilersugassarisimasaanut qimagaanersiutit ataani al-lassimasut naapertorlugit tunniunneqassapput:

Atorfegarfigisami

ukioq 1 sulisimaguni.....: Qaam. 1 akissarsiat  
ukiut 2 .....: Qaam. 2 akissarsiat  
ukiut 3 amerlanernilu.....: Qaam. 3 akissarsiat

§ 31

**Soraarniuteqarneq/Soraarsitsineq.**

Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut soraarnermut atatillugu ajunn-gitsorsiaqaqarsinnaaneq aammalu soraarniuteqarnermut periaasiusut, ilaatigut misiliutaasumik atorfininneq, utaqqiis-saagallartumik suliaqarneq narparsimanermilu atuupput.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaanii sulisumik imatut siumut ilisimatitsereerluni soraarsitsisoqar-sinnaavoq, misiliutaasumik atorfininneq imaluunniit utaqqiissaagall-artumik suliaqarallarneq pineqannngippat:

- a) Atorfininnerup kingorna qaammatini arfinilinni siullerni qaammammik ataatsimik ilisimatitsereerluni qaammatip naaneranut
- b) Atorfininnerup kingorna qaammatit arfinillit kingorna qaammatinik pingasunik ilisimatitsereerluni qaammatip naaneranut
- c) Taassuma kingorna ukiut atorfegarnerit pingasukkaarlugit siumut ilisimatitsereerluni soraarsitsisisinnaanerit qaammammik ataatsimik ilaneqartassapput, kisiannili annerpaamik qaammatini arfinilinni.

Imm. 3. Soraarniuteqarneq imm. 2 naapertorlugu piffissaqarluartumik ilisimatitsissutigineqassaaq siumut soraarniuteqarnerup ilisimatitsissutigineqarnerani piffissap iluani pisusanngorlungu.

Imm. 4. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik siumut ilisimatitsilluni qaammaatip naanneranut soraarniuteqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat.

Imm. 5. Sulisut Sulisitsisut aamma atorfillit akornanni pissutsit pillugit Inatsisartut inatsisaat naapertorlugu pineqanngitsut, atorfegarnermi qaamatini pingasuni siullerni ullunik tallimanik siumut nalunaaruteqarlutik ullormut sumulluunniit soraarsinnaavoq. Tamannalu sulisitsisumiit sulisumiillu atuuppoq. Qaamatit pingasut atorfegareernerut kingorna soraarniuteqarsinnaanerit imm. 2 b-c aamma imm.4-miitut atuupput.

Siuraarniuteqarnermut maleruagassat misiliutaasumik atorfininnermi imaluunniit utaqqiissaagallartumik suliaqarallarnemi siuliani inatsimmi pineqartumi atuutinngillat.

Imm. 6. Sulisitsisup sulisullu soraarsitsinissamik soraarnissamillu siumut nalunaarutaat allaganngorlugu tunniunneqassaaq.

## § 32

### **Isumaqtigiinngissutit kinaassusersiortumillu soraarsitsinerit.**

Isumaqtigiinngissutit suliarineqartassapput aaqqiagiinngissutit suliarineqartarnissaannik tunngaviusumik isumaqtigiissummi aala-jangersakkat naapertorlugit.

Imm. 2. Inunnik ataasiakkaanik soraarsitsisinnaneq atorneqaraangat tamanna kinaassusersiornermik tunngaveqartassanngilaq. Tamanna

pillugu apeqqutit aaqqiagiinngissutit suliarineqartarnissaannik tunn-gavismik isumaqatigiisummi aalajangersakkat naapertorlugit suliari-neqartassapput.

### § 33

#### **Peqqinnissamut ikiortit nal.akunnermusiallit.**

Peqqinnissamut ikiortit atorfegavinnissaq siunertarinagu, kisiannili sulinngiffeqartoqartillugu, napparsimasoqarnerani assigisaannilu taartissatut imaluunnit qaammatit pingasut inorlugit sivisussusilim-mik allamik suliaqarallarnissamut sulisussarsiarineqartut, nal. akun-nermusialerlugit aningaasarsitinneqartassapput. Qaammatit pingasut sinnerlugit sulereerneremi pineqartoq qaammamusiaqalersinneqassaaq, taamaattorli sulisartup kissaa-tigiguniuk akunnermusiaqaaannar-sinnaavoq.

Imm. 2. Ulluunerani sulinermi nal.akunnermusiaq pineqartup ukiut su-liffii tunngavigalugit § 3 naapertorlugu qaammamusiaritinneqartup 1/173,33-erivai. Taamatuttaaq peqqinnissamut ikiortit nal. akunner-musiallit pikkorissutsimut oqaluttaanermullu tapisiaqartinneqassapput isumaqatigiisummi §-it 11 aamma 16 A naapertorlugit, isumaqati-giisummi nal. akunnermusiapi aalajangersarneqartup 1/173,33-ianik. Pigaartuunermi, unnukkorsiorluni aamma unnuarsiorluni kiisalu arfi-ninngornikkut aamma sapaatini sulinerni isumaqatigiisummi §-ini 7, 8 aamma 9-miittut aalajangersakkat atuutsinneqarput.

Imm. 3. Peqqinnissamut ikiortit nal.akunnermusiallit akissarsiff-issaat ullunut 14-inut naatsorsorneqartassaaq, ataasinngornermiit sapaatit akunnerisa marluk naaneranni sapaat ilannngullugu.

Imm. 4. Peqqinnissamut ikiortit nal. akunnermusiallit isumaqati-giisummi § 3-mi skalat malillugit ukiut suliffiit qaffakkiartortarneri naapertorlugit inissinneqassapput. Peqqinnissamut ikiortit nal. akunnermusiaqarnermik nalaani ukiut suliffiit qaffakkiartortar-nerinik pissarsisisinnaanngillat.

Imm. 5. Suliffiup sivisussusianut aamma qaangiuttoorernut il. il. aalajangersakkat peqqinnissamut ikiortit qaammamusialinnut atuuttut atuutsinnejassapput. Taamatuttaaq tjenestemanditut atorfeganngitsunut, peqqinnissamut ikiorttitut ilinniartunut piffissaq qasuerserfik aamma ulloq unnuarlu sulinngiffik pillugit 18. oktober 1995 isumaqatigiissutigineqartoq peqqinnissamik siammarsaasunut aamma ernisussiornermi ikiortinut nal. akunnermusialinnut atuuppoq.

Imm. 6. Peqqinnissamut ikiortit nal. akunnermusiallit ullut 6 tulleriiginnaat nalliuuttut sioqqullugit sulisut (tamatumunnga ilangullugu ullut sulinngiffissat suliffissatut nalunaarsorfimmittut) nalliuuttuni sulinermi nal. akunneranut suliffiorpiartunut akissarsiap nalinginnaasup saniatigut aamma peqqinnissamut ikiortit § 8 imm. 3. naapertorlugu sulinngiffissaraluanut annaasanut akiliutit pis-sarsiarissavaat.

Imm. 7. Peqqinnissamut ikiortit nal. akunnermusiallit ullunik 6-nik ikinnerusunik nalliuuttut sioqqullugit sulippata tamatumunnga nalliuuttuni ulluinnartigoortuni qaangiuttoorneq ilangullugu tamanna peqqinnissamut ikiortit § 8 imm. 3. naapertorlugu sulinngiffissaraluanut annaasanut akiliutit nal. akunneranut suliffiusunut pissarsiarissavaat.

Imm. 8. Isumaqatigiissut naapertorlugu suliffiup immikkoortoqarfiani piffissaq suliffissaq sivikinneruppat peqqinnissamut ikiortit suliffeqarfip iluani suliassanik allanik suleqataanissaminut pisussaaffeqarput. Suliffissap aalajangersakkap avataatigut sulinerni qaangiuttoornersisitsisoqassaaq.

Imm. 9. Peqqinnissamut ikiortit nal. akunnermusiallit suliffissaat tamakkiisoq sulisitsisumit atorfissaqartinneqanngippat aammalu sulisitsisoq suliassamik allamik innersuussisisinnaanngippat saniatigullu nal.akunneri 4-nik piffissaq suliffissaq sioqqullugu ilisima-----

titsisoqanngippat sulisitsisup pisussaaffigaa ulloq taanna nal.akunnerinik suliffissatut isumaqatigiissutaareersut nalinginik akissarsisitsinissaq.

Imm. 10. Peqqinnissamut ikiortit nal. akunnermusiallinnut aalajanger-sakkat \$-ini 4-mi aamma 12-miittut atuutsinneqarput.

Imm. 11. Peqqinnissamut ikiortit nal. akunnermusiallit akeqann-gitsumik sulliseqartinneqassapput. Tamanna ataasiakkaatigut pis-innaanngikkaangat nal. akunneranut 1,11 kr.-mik tapisiaqartit-sisoqassaaq. Taamatullu qaangiuttoornermi aamma nalliuuttuni sulinerni tapisiaq tunniunneqassalluni.

Imm. 12. Peqqinnissamut ikiortit nal.akunnermusiallit sulinerat siumut qaammammik ataatsimik siumut ilisimatitsilluni qaammaatip naanneranut atorunnaarsinnejarsinnaavoq.

Imm. 13. Peqqinnissamut ikiortit nal. akunnermusiallit ullut 6-it ingerlaneranni akissarsiaqaratik ullormi ataatsimi sulinngiffeqarsinnaatitaapput; taamaattoq ulloq sulinngiffissaq suliffimmi pissutsit patsisaatillugit allamut nuutsinneqarsinnaavoq, soorlu assersuutigalugu unnukkut aamma unnuarsiorluni sulinerit patsi-sigalugit.

Imm. 14. Peqqinnissamut ikiortit nal. akunnermusiallit feriern-ersiutissaattut akissarsiaasa 12½ %-iattut annertutigisut kat-ersorneqartarput.

## § 34

### **Akissarsiat katiternerri.**

Akissarsiat § 3-mi imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapili-ussamik. Tunngaviusumik akissarsianut tapiliussaq 1. april 2000

16,4789%-imik. Skala-mi akissarsiat iluarsiissutitaqanngitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.18  
kr 380,56

01.04.19  
kr 380,56

01.04.20  
kr 380,56

01.04.21  
kr 380,56

## § 35

### **Piffissaq isumaqatigiissutip atuuffia.**

Isumaqatigiissut una 1. april 2018 atuutilerpoq. Isumaqatigiissut illuatungeriinnit tamanit qaammatinik 3-nik siumut ilimasaarute-qarnikkut 31. marts-imut taamaattorli siusinnerpaamik marts-ip 31.-ani 2022-imut atorunnaartussangortinneqarsinnaavog.

Immikkoortoq P.  
(Plejemuut  
S.I.K.)

§ 28


**Piffissaq isumaqatigiissutip atuuffia.**

Isumaqatigiissut una 1. april 2018 atuutilerpoq. Isumaqatigiissut illuatungeriinnit tamanit qaammatinik 3-nik siumut ilimasaarute-qarnikkut 31. marts-imut taamaattorli siusinnerpaamik marts-ip 31.-ani 2022-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutaamik isumaqatigiissuteqarfissap tungaanut akissarsiat marts-ip 31.-ani 2022 atuuttut malillugit akissarsiaqartitsisoqassaaq.

02 DEC. 2019  
Nuummi, ulloq

Sulinermik Inuussutissarsiuteqartut  
Kattuffiat



Jess G. Berthelsen

Naalakkersuist  
n.s.



André Steenholdt-Guttesen

Finansministeriet  
P.M.V.  
e.b.

Taamalu isumaqatigiissut 14. November 2014-meersoq atorunnaarpoq.